

Prózdnińske lěhwo – džěćom so tam jara lubiło!



Matheo Gruber

Jedyn z wobdźělnikow prózdnińskeho lěhwa je 13lětny **Matheo Gruber**, kotryž pochadza z Worklec. Wón je hižo třeće lěto we Wodowych Hendrichcach a znaje terrain kupjele derje. Po jeho měnjenju su wubědźowanja to najlěpše. To su na přikład na čas najwyšů pěskowu hródź twarić, abo wodowu pantomimu hrać. Za to so džěći do skupinkow džěla, kotrež maja cil dypki nahromadzić. W swobodnym času hraje z přečelemi rady kopańcu abo blidotenis, ale tež šmóratko je wězo luba wotměna.



Lěsna kupjel we Wodowych Hendrichcach je kóždy lěto zas highlight mnohich džěći, kotrež so na prózdnińskim lěhwje Serbskeho šulskeho towarstwa wobdźěleja.

Fota: SN/Bojan Benić



Antonio Gruber

Při wodže zetkamy Worklečana **Antonia Grubera**. Wón je jědnaće lět stary a wobdźěli so tu hižo třeće lěto na prózdnińskim lěhwje. Wubědźowanja mjez tamnymi skupinkami su jemu wulke wjeselo. Tak jeho sprint přez lěs, kotryž ma wosebite čežišo, wosebje zahori. Na tutym dyrba so mjenujcy po puću tež wšelakore nadawki spjelnić. Hdyž ma swobodny čas, wočerwstwi so rady při kopańcy z přečelemi. Kopańca, ta je mjez hólcami lěhwa tak a tak tón najwjetši highlight tydženja. Wšojedne hać na sportnišću abo hewak hdže.



Kayus Debek

Dale je **Kayus Debek** hižo znaty hósć we prózdnińskim lěhwje, lětsa wobdźěli so druhi króć na lěhwje Serbskeho šulskeho towarstwa. Wón je dwanaće lět stary a pochadza z Róžanta. Swój swobodny čas wužiwa rady za hraće a wězo tež dobyće kopańcowych abo wolejbulowych turněrow z přečelemi. Rozmotwa a zaběra ze swojimi přečelemi pak stej jemu hać donětko najrjeńše dožiwjenje w lětušim prózdnińskim lěhwje. Tole je tu wězo wuběrnje móžno, wšako je mjez stacijemi wodoweho wubědźowanja stajnje dosć přestawkow. Ale tež druhe sportowe zaběry su džěći za čas prózdnińskeho lěhwa hižo absolwowali. Tak mějachu na přikład po lěsu běhać.

Přěni raz přitomna je lětsa **Viktorija Šoćić**. 10lětnu holcu běchu starši bratra wo tym přeswědčili, zo měta tež raz sobu do prózdnińskeho lěhwa přijěć. To je Viktorija činiła a nětko so jej tu we Wodowych Hendrichcach wuběrnje lubi. Za nju je bliska kupjel najrjeńši blečk, wšako móže so wona tam wšědnje kupać. To je highlight tydženja, praji. Sportować, to so młodej Nowosličance wulce lubi. Lěsny běh začuwa tuž jako wosebje rjane dožiwjenje, wšako je přěni raz na čas po lěsu běhała, zo by sej dypki za swoje mustwo nahromadziła. Nimo lěsneho běha pak so jej tež druhe nadawki a małe wužadanja lěhwa jara spodobaja. Klětu budže wona zawěsće zaso tu.



Viktorija Šoćić

Njedzelu je so 63 wjesolych dowolnikow po džesac dnjach prózdnińskeho lěhwa we Wodowych Hendrichcach zaso nawróćilo. Zaštu srjedu poby mała redakciska delegacija w prózdnińskim lěhwje. Prózdnińskaj džělaćerjej Klara Bjedrichc a Julius Paška wužištaj tutu składnosć, zo byštaj so w pisanju portretow wukmaniłoj. Wosrjědž harowacych džěći, luteje wody a wónje chlora běštaj so wonaj na puć podaťoj a najzajimawšich, abo snano tež najkomunikatiwnišich wuslědźiłoj. Rezultat jeju džěta Wam na tutej stronje prezentujemy. Jasne wězo je, zo mějachu džěći wulkotny tydžeń z lutymi njezapomnitymi wokomikami. Jedyn abo druha je sej tam zawěsće tež nowych přečelow a přečelki namakała. Naposledk pak je dospołnje wšojedne, što sej kóždy a kóždy jednotliwca sobu domoj wza. Wjesoly posměwk, jako wuhladaču wšitcy njedzelu swojich staršich, běše zawěsće za wšitkich najrjeńši hermanek. Dwě njedzeli hišće, potom dyrba so wšitcy zaso do šule podać. Někotři pak pojědu do toho hišće na wulke putnikowanje ministrantow do Roma. Za nich budže tydžeń doma dosć krótki. Mjez hromadami mazaneje a čisteje drasty pak je zawěsće tež krótkeho wokomika, so na dožiwjenja nimale zaštych prózdniń dopominać. Snano realizuje jedyn abo tamna potom, kak wjeseli móžemy być, zo so nam tak derje wjedže.

■ Maximilian Gruber

Na wopyće w kupjeli zetkachmy mnoho wodowych myšow. Jedna z nich je 10lětna **Nora Birkenhofenec**. Wona pochadza z Pančic a je tute lěto přěni raz w prózdnińskim lěhwje. Wot wšěch poskitkow na Kiez Querxenland waži sej suwanje na suwadle najbóle a to wězo zhromadnje z přečelku. Spěšnje suwatej so wonaj po wulkim oranžowym suwadle, kotrež bě generacijam prózdnińarjow hižo z dobrym přečelom. Wubědźowanja, kotrež mytują najskokšeho pluwarja na powětrowej matracy, abo wodowa pantomima jej tohorunja wjele wjesela wobradžachu. Woda to je Noriny element a tuž wona dołho wonka njewudźerži, ale so hnydom zaso do njeje wali.



Nora Birkhofenec



Lukaš Hančik

Tež Radworske džěći sej do „Seife“ dojědu. Jedyn tajki hólćec je **Lukaš Hančik**. Hižo štwórty raz je wón lětsa sobu jěł. Weterana móhli jeho mjenować. Z třinaće lětami słuša wón tež do najstaršich dowolnikow. Klětu potom móže z „wulkimi“ do wukraja jěć. Lukaš powěda, zo je sej lětsa tu w prózdnińskim lěhwje samo nowych přečelow namakał. Z nimi wón so najradšo kupa. Wulět do bliškeje nakupnicy je za džěći pak wězo runje tak wažny ritual. Tam namakaja wšitko, štož sej jich slódky zubik wužada. Tuž je pućowanje do nakupnišća za Lukaša tež jedyn z highlightow tydženja, nimo kupanja, wězo.